

四庫全書

子部

欽定四庫全書

冊府元龜卷三百二十四 宋 王欽若等 撰

宰輔部

薦賢

夫稱善舉類春秋之格訓推賢援能儒者之篤行矧夫
居衡石之任當變諧之重掌邦國之政贊后王之治總
領衆職平章百姓必在乎登良擢俊振淹出滯俾風人
絕邁軸之嘆士子適輪轅之用不遺賢於中谷不藉才

於異代此所以成舜湯選衆舉仁之美茂尹旦格天光
海之業者也三代而上其詳靡記繇漢以下未嘗乏焉
莫不隆體國之志竭知人之鑒或以樹巍巍之績或以
成彬彬之盛蓋夫寅亮之功將明之烈曷以加於是乎
漢蕭何初為漢王丞相韓信數與何語何竒之至南鄭
諸將道亡者數十人信度何等已數言度計量也上不我用
即亡何聞信亡不及以聞自追之人有言上曰丞相何
亡帝怒如失左右手居一二日何來謁帝且怒且喜罵

何曰若亡何也

若汝也

何曰臣非敢亡追亡者耳帝曰所

追者誰也曰韓信帝復罵曰諸將亡者以十數公無所

追追信詐也何曰諸將易得至如信國士無雙

為國家之奇士

王必欲長王漢中無所事信

無事用信

必欲爭天下非信無

可與計事者顧王策安決

顧思念也

王曰吾亦欲東耳安能

鬱鬱久居此乎何曰王計必東能用信信即留不能用

信信終亡耳王曰吾為公以為將何曰雖為將信不留

王曰以為大將何曰幸甚於是召信拜之

田蚡為丞相徵茂陵尉張湯為吏薦補侍御史

張湯為御史大夫薦其掾兒寬於天子天子見問說之
初寬以試第次補廷尉史是時湯方鄉學以為奏讞掾
以古法議決疑大獄而愛幸寬寬為人溫良有廉智自
將而善著書書奏敏於文口不能發明也湯以為長者
數稱譽之及是以寬為掾復薦之

霍光昭帝初為大將軍秉政以光祿大夫張安世篤行

篤厚也光親重之會左將軍上官桀父子及御史大夫桑

弘羊皆與燕王蓋主謀反誅光以朝無舊臣白用安世
為右將軍光祿勳以自副焉

魏相為御史大夫霍光薨後數月相上封事曰聖王褒
有德以懷萬方懷來也顯有功以勸百寮是以朝廷尊榮

天下鄉風國家承祖宗之業制諸侯之重新失大將軍
宜宣章盛德以示天下顯明功臣以填藩國毋空大位

以塞爭權大臣位空則起爭奪之權也所以安社稷絕未萌也未萌謂變

故未生者也車騎將軍安世事孝武皇帝三十餘年忠信謹

厚勤勞政事夙夜不怠與大將軍定策天下受其福國
家重臣也宜尊其位以為大將軍毋令領光祿勳事使
專精神憂念天下思惟得失後數日拜安世大司馬車
騎將軍錄尚書事

丙吉為相病篤宣帝自臨問吉曰君即有不諱誰可以

自代者

不諱言死不
可復言也

吉辭謝曰羣臣行能明主所知愚

臣無所識帝固問吉頓首曰西河太守杜延年明於法
度曉國家故事前為九卿十餘年今在郡治有能名廷

尉于定國執憲詳平天下自以不寬太僕陳萬年事後
母孝敦厚備於行止此三人能皆在臣右唯上察之帝
以吉言皆是許焉

蕭望之為御史大夫除薛廣德為屬數與論議器之

以為

大器也薦廣德經行宜充本朝

經明行脩宜於本朝任職也

為博士論

石渠

石渠閣名也

何武為大司空除彭宣為西曹掾甚敬重焉薦宣為諫
大夫又龔勝為重泉令去官武與執金吾閻崇薦勝哀

帝自為定陶王固已聞其名徵為諫大夫武為人仁厚

好進士獎稱人之善為楚內史厚兩龔在沛厚兩唐

兩龔

龔勝龔舍也兩唐唐林唐遵也

及為公卿薦之朝廷此人顯於世者何

侯之力也世以此多之又與尚書令唐林皆上書言傅

喜行義脩潔忠誠憂國內輔之臣也今以寢病一旦遣

歸衆庶失望皆云傅氏賢子以論議不合於定陶太后

故退百寮莫不為國恨之夫忠臣社稷之衛魯以季友

治亂

謂季氏亡則魯不昌

楚以子玉重輕

謂楚誤殺子玉而晉侯喜可知

而魏以

無忌折衝

信陵君

項以范增存亡故楚跨有南服帶甲百

萬鄰國不以為難子玉為將則文公側席而坐及其死也君臣相慶百萬之衆不如一賢故秦行千金以間廉頗漢散萬金以疏亞父喜立於朝陛下之光輝傅氏之廢興也帝亦自重之明年正月乃徙師丹為大司空而拜喜為大司馬封高武侯

張忠為御史大夫署潁川孫寶為主簿上書薦寶經明質直宜備近臣為議郎遷諫大夫

王嘉為丞相薦儒者公孫光滿昌及能吏蕭咸薛脩等皆故二千石有名稱天子納而用之

張禹為丞相舉彭宣為博士遷東平太守禹以帝師見尊信薦宣經明有威重可任政事繇是入為右扶風

孔光為御史大夫舉東平王太傅師丹議論深博廉正守道徵入為光祿大夫丞相司直數月復為光祿大夫給事中繇是為少府光祿勳侍中甚見尊重

王根為大司馬驃騎將軍是時多灾異根輔政數虛已

問平陵人李尋尋見漢家有中衰阨會之象其意以為
且有洪水為災乃說根以物盛必衰自然之理唯有賢
友彊輔庶幾可以保身命全子孫安國家根於是薦尋
哀帝初即位召尋待詔黃門

王音為大司馬車騎將軍時揚雄年四十餘自蜀來至
游京師音竒其文雅召以為門下史薦雄為待詔

後漢吳漢為大司馬時太山豪傑多擁衆與張步連兵
漢言於帝曰非陳俊不能定此郡於是拜俊太山太守

行大將軍事張步聞之遣其將擊俊戰於嬴下俊大破之追至濟南收得印綬九十餘稍攻下諸縣遂定太山宋弘為大司馬推進賢士馮翊桓梁三十餘人或相及為公卿者光武嘗問弘通博之士乃薦沛國桓譚才學洽聞幾能及揚雄劉向父子於是召譚拜議郎給事中又高詡以信行清操知名王莽篡位父子稱盲逃不仕光武時弘薦詡徵為郎

趙熹為太傅時魯恭與議白虎觀熹舉恭直言待詔公

車拜中牟令

范遷為司徒薦豐令牟融忠正公方經行純備宜在本朝并上其理狀

第五倫為司徒時擢謝夷吾為鉅鹿太守倫令班固為文薦夷吾曰臣聞堯登稷契政隆太平舜用臯陶政致雍熙殷周雖有高宗昌發之君猶賴傳說呂望之策故能克崇其業允協大中竊見鉅鹿太守會稽謝夷吾出自東州厥土塗泥而英姿挺特竒偉秀出才兼四科行

包九德仁足濟時智周萬物加以少膺儒雅韜含六籍
推考星度綜校圖錄探蹟聖祕觀變歷徵占天知地與
神合契據其道德以經王務昔為陪隸與臣從事奮忠
毅之操躬史魚之節董臣嚴綱勗臣懦弱得以免戾寔
賴厥勲及其應選作宰惠數百里降福彌異流化若神
爰牧荊州威行邦國奉法作政有周召之風居儉履約
紹公儀之操尋功簡能為外臺之表聽聲察實為九伯
之冠遷守鉅鹿政合時雍德量績謀有伊呂管晏之任

闡弘道奧同史蘇京房之倫雖密勿在公而身出心隱
不殉名以求譽不馳騫以要寵念存遜道演志箕山方
之古賢寔有倫序採之於今超然絕俗誠社稷之元龜
大漢之棟甍宜當拔擢使登鼎司上令三辰順軌於歷
象下使五品咸訓于嘉時必致休徵克昌之慶非徒循
法奉職而已臣以頑駑器非其儔尸祿負乘夕惕若厲
願乞骸骨更授夷吾上以光七曜之明下以厭率土之
望庶令微臣塞咎免悔

張禹為太尉時周防受古文尚書撰尚書雜記三十二篇禹薦補博士又薦寒朗為博士

張酺為太尉薦魏郡太守徐防自代帝不許

劉愷為司徒時陳忠為廷尉正以才能有聲稱愷舉忠明習法律宜備機密於是擢拜尚書使居三公曹

成帝置五

尚書三公曹尚書主知斷獄也

張皓為司空在事多所薦達天下稱其推士

黃瓊為司空先是崔寔為議郎會梁冀誅寔以故吏免

官禁錮數年時鮮卑數犯邊詔三公舉威武謀畧之士
瓊薦寔拜遼東太守瓊為太尉時尚書楊秉以病乞退
出為右扶風瓊惜其去朝廷上言秉勸講帷幄不宜外
遷留拜光祿大夫

李固為太尉時陳蕃公府辟舉方正皆不就固表薦徵
拜議郎

陳蕃為太尉王暢為漁陽太守免官是時政事多歸尚
書桓帝特詔三公令高選庸能蕃薦暢清方公正有不

可犯之色繇是復為尚書後蕃為太傅辟何休與參政事

种暲為司徒推達名臣橋玄皇甫規等

楊秉為太尉時陳球為侍御史桂楊黠賊李研等羣聚寇鈔陸梁荆部州郡懦弱不能禁秉表球為零陵太守球到設方畧朞月間賊虜消散

楊賜為太尉時光祿勳黃琬坐事禁錮被廢棄幾二十年靈帝光和末賜上書薦琬有撥亂之才繇是徵拜議

郎擢青州刺史遷侍中

魏華歆為司徒黃初四年詔公卿舉獨行君子歆薦管
寧詔以寧為大中大夫固辭不受時明帝即位為太尉
歆遜位讓寧又以鄭小同有美名歆表曰臣聞勵俗宣
化莫先於表善班祿叙爵莫美於顯名是以楚人思子
文之治復命其裔漢世嘉江公之德用顯其世伏見故
漢大司農北海鄭玄當時之季名冠華夏為世儒宗文
皇帝旌錄先賢拜玄適孫小同以為郎中長假在家小

同年踰三十少有令質學綜六經行著鄉邑海岱之人
莫不嘉其自然美其器重迹其所履有質直不渝之性
然而恪恭靜默色養其親不治可見之美不競人間之
名斯誠清時所宜式叙前後明詔所斟酌而求也臣老
病委頓無益視聽謹具以聞

陳羣為司空薦管寧曰臣聞王者顯善以消惡故湯舉
伊尹不仁者遠伏見徵士北海管寧行為世表學任人
師清儉足以激濁貞正足以矯時前雖徵命禮未優備

昔司空荀爽家拜光祿先儒鄭玄即授司農若加備禮
庶必可致至延西序坐而論道必能昭明古今有益大
化

王朗為司空黃初中鷓鴣集靈芝池詔公卿舉獨行君
子朗薦光祿大夫楊彪且稱疾讓位於彪帝乃為彪置
吏卒位次三公詔曰朕求賢於君而未得君乃翻然稱
疾非徒不得賢更開失賢之路增玉鉉之傾無乃居其
室出其言不善見違於君子乎君其勿有後辭朗乃起

蜀諸葛亮為丞相時後主嗣位亮將北征住漢中慮後主富於春秋朱紫難別以董允秉心公亮欲任以宮省之事上疏曰侍中侍郎郭攸之費禕董允等先帝簡拔以遺陛下至於斟酌規益進盡忠言則其任也愚以為宮中之事事無大小悉以咨之必能裨補闕漏有所廣益若無興德之言則戮允等以彰其慢亮尋請禕為叅軍允遷為侍中領虎賁中郎將統宿衛親兵攸之性素和順備員而已獻納之任允皆專之矣又蔣琬亮長史

亮每言琬託志忠雅密表後主曰臣若不幸後事宜以
付琬

晉張華為司空時陳壽遭父喪有疾使婢丸藥客往見
之鄉黨以為貶議及蜀平坐是沉滯者累年華愛其才
以壽雖不遠嫌原情不至貶廢舉為孝廉除著作郎華
將舉壽為中書郎荀勗忌華而疾壽遂諷吏部遷壽為
長廣太守辭以母老不就杜預將之鎮復薦之於帝宜
補黃散繇是授御史治書

王渾為司徒時周馥累遷司徒左西屬渾表馥理職清正兼有才幹主定九品簡括精詳臣委任責成褒貶允當請補尚書郎許之

王導隨元帝渡江鎮建康導為政清靜尤見委仗情好日隆朝野傾心號為仲父帝從容問導曰卿吾之蕭何也對曰昔秦為無道百姓厭亂巨猾陵暴人懷漢德草命反正易以為功自魏氏以來迄于太康之際公卿世族豪侈相高政教陵夷不遵法度羣公卿士皆饜於安

息遂使姦人乘釁有虧至道然否終斯泰天道之常大
王方立命世之勲一匡九合管仲樂毅於是乎在豈區
區微臣所可擬議願深弘神慮廣擇良能顧榮賀循紀
瞻周玘皆南士之秀願盡優禮則天下安矣帝納焉又
何充為丹陽尹導與庾亮並言于帝曰何充器局方槩
有萬夫之望必能摠錄朝端為老臣之副臣死之日願
引充內侍則外舉唯緝社稷無虞矣繇是加充吏部尚
書進號冠軍將軍

溫嶠為中書令嶠為棟梁之任帝親而倚之以祖納州里父黨敬而拜之嶠既為時用盛言納有名理除光祿大夫

謝安為太傅時東莞人徐邈下帷讀書不游城邑及孝武帝始覽典籍招延儒雅之士邈既東州儒素安舉以應選年四十四始補中書舍人

宋王弘永平中為江州刺史時徐傅當權出鄭鮮之為豫章太守弘竊謂人曰鄭公德素先朝所禮方之前代

鍾元常王景興之流今徐傳出之為郡抑當有以尋有廢立事元嘉三年弘入為相舉鮮之為尚書右僕射南齊褚淵為左僕射先是臧榮緒純篤好學隱居京口教授南徐州辟西曹舉秀才不就太祖為揚州徵榮緒為主簿不到淵少時嘗命駕尋之建元中啓太祖曰榮緒朱方隱者昔臧質在宋以國戚出牧彭岱引為行佐非其所好謝疾求免蓬廬守志漏濕是安灌蔬終老與友關康之沉深典素追古著書撰晉史十表贊論雖無

逸才亦足彌綸一代臣歲時往京口早與之遇近取其書始方送出庶得備錄渠閣採異甄善帝荅曰公所道臧榮緒者吾甚志之其有史翰欲令入天祿甚佳

王儉為尚書令武帝問儉曰誰可繼卿者儉曰臣東都之日其在徐孝嗣乎及孝嗣出為吳興太守儉贈詩曰方軌叔茂追清彥輔柔亦不如剛亦不吐時人以比蔡子尼之行狀也在郡有能名會王儉亡帝徵孝嗣為五兵尚書

梁袁昂為司空以何之元幼好學有才思居喪過禮天
監末袁昂薦之因得召見解褐太尉臨川王揚州儀曹
從事史

後魏廣陽王喜宣武時為尚書令除儀同三司後轉司
徒受敬人物後來才雋未為時知者侍坐之次轉加談
引時人以此稱之

崔光為太保疾甚表薦都官尚書賈思伯為侍講中書
舍人馮元興為侍讀思伯遂入授孝明杜氏春秋

隋高頴為左僕射兼納言頴進貞良以天下為己任蘇威楊素賀若弼韓擒虎等皆頴所推薦各盡其用為一代名臣其餘立功立事者不可勝數

楊素為僕射開皇中以華陰多盜賊妙選良吏素薦殿中局監榮毗為華州長史世號為能素之田宅多在華陰左右放縱毗以法繩之無所寬貸毗因朝集素謂之曰素之舉卿適以自罰也毗答曰奉法一心者但恐累公所舉素笑曰前者戲耳卿之奉法素之望也又李百

藥為太子舍人或有譖百藥者乃託疾免去後追赴仁壽宮素與吏部尚書牛弘並重之奏授禮部員外郎又李子雄為大將軍歷郴江二州刺史並有能名仁壽中坐事免漢王諒之作亂也煬帝將發幽州兵以討之時竇抗為幽州總管帝恐其有貳心問可任於素素進子雄授上大將軍

唐陳叔達武德中為納言侍中參預朝政江南名士薄游長安者多所薦拔

李靖為僕射奏稱秘書郎岑文本之才擢拜中書舍人
漸蒙親顧

杜如晦為僕射臨終請委戴胄以選舉繇是以本官檢
校吏部尚書參預朝政

溫彥博太宗貞觀初為中書令帝令祖孝孫增損樂章
孝孫乃與明音律人王良通白明達遠相長短帝令侍
臣更訪能者彥博奏博州清平人呂才聰明多能眼所
未見耳所未聞一聞一見皆達其妙尤長於聲樂請令

考之侍中王珪魏徵又咸稱才學術之妙徵曰才能為尺十二枚尺八長短不同各應律管無不諧韻帝即徵才令直弘文館

朱敬則同鳳閣鸞臺平章事每以用人為先餘細務不之視會嶺表蠻帥攻掠郡縣朝廷思得良守以鎮之而甚難其選敬則曰司勳郎中裴懷古有文才將略即其人也遂以為桂州都督懷古既至賊帥果懷其威惠相率來降敬則又引冬官郎中魏知古為鳳閣舍人太子

司議郎張思敬為右史後皆以稱職著名

狄仁傑為內史嘗以舉賢為意其所引拔桓彥範敬暉
竇懷貞姚崇等至公卿者十人初則天嘗問仁傑曰朕
要一好漢任使有乎仁傑曰陛下作何任使則天曰朕
欲待以將相對曰臣料陛下若求文章資歷則今之宰
臣李嶠蘇味道亦足為文吏矣豈非文士齷齪思得竒
才用之以成天下之務者乎則天悅曰此朕心也仁傑
曰荊州長史張柬之其人雖老真宰相才也且久不遇

若用之必盡節於國家矣則天乃召拜雒州司馬他日
又求賢仁傑曰臣前言張東之猶未用也則天曰已遷
之矣對曰臣薦之為相今為雒州司馬非用之也又遷
為秋官侍郎後竟召為相東之果能興復中宗蓋仁傑
之推薦也

盧懷慎為黃門監開元四年卒臨終遺表曰臣素無才
識叨沐恩榮待罪樞密頗積年序報國之心空知自竭
推賢之志終未克申孤負明恩夙夜惶懼臣染疾已久

形神欲離雖鳧鴈之飛未為乏少而犬馬之志終祈上
聞其鳴也哀乞垂聖察宋璟立性公直執心貞固文學
足以經務識畧期於佐時動惟直道行不苟合聞諸朝
野之說寔為社稷之臣李傑勤苦絕倫貞介獨立公家
之事知無不為幹時之才衆議推美李朝隱操履堅貞
才識通贍守文奉法頗懷鐵石之心事上竭誠實盡人
臣之節盧從愿清貞謹慎理識周密始終若一朝野共
知簡要之才不可多得並明時重器聖代良臣比經任

使微有愆失所坐者小所棄者大所累者輕所貶者遠
日月雖近譴責傷深望垂矜錄漸加進用臣竊聞黃帝
所以垂衣裳而天下理者任風力也帝堯所以光宅天
下者任稷卨也且朝廷者天下之本賢良者風化之源
得人則庶績其凝失士則彛倫攸斁臣每見陛下憂勞
庶政勤求理道慎舉群司必期稱職使鳩鷺成列草澤
無遺故得歲稔時和政平訟理此陛下用賢之明效也
臣非木石早識天心瞑目不遙厚恩未報黜殞之義敢

不庶幾城郢之言思布愚懇帝深嘉納

姚崇為夏官侍郎知政事時韓思復為汴州司戶參軍
為政寬恕不行杖罰值丁憂家貧鬻薪以終喪制崇深
嘉歎之權授司禮博士

張說為相以徐浩少舉明經工草隸以文學尤所器重
調授魯山主簿說薦浩為麗正殿校理三遷右拾遺仍
為校理

宇文融為黃門侍郎平章事薦宋璟為右丞相裴耀卿

為戶部侍郎許景先為工部侍郎甚允人望

張九齡為中書令引韋陟為中書舍人與孫逖梁涉對
掌綸誥時人以為美談

房瑄為相時嚴武為侍御史至德初肅宗興師靖難大
收才傑武仗節赴行在瑄以武名臣之子素重之乃首
薦才略可稱累遷給事中既收長安以武為京兆少尹
兼御史中丞

杜鴻漸為相時韋元輔有器局所莅有聲累遷蘇州刺

史浙江西都團練觀察等使鴻漸首薦之徵為尚書右丞相會淮南節度使缺鴻漸又薦堪當重寄遂授揚州長史兼御史大夫淮南節度觀察等使在揚州三年政尚不擾事亦粗理以疾終

蕭華為相時吏部侍郎裴遵慶恭儉克己持重謹密頗有時望華素知遵慶每奏見屢稱之遷黃門侍郎同中書門下平章事楊炎入相時常袞為潮州刺史炎與袞善引拜福建觀察使

楊綰常袞為相時關播為淮南節度陳少游判官綰袞
薦播為都官員外郎建中初遷兵部員外郎張鎰入相
播遷給事中

常袞為相時劉從一補渭南尉雅為袞所推重遷監察
御史居無何丁母憂服除宰相盧杞薦之超遷侍御史
蔣沆為刑部郎中元載秉政滯於郎位大歷十二年常
袞以羣議稱沆屈擢拜御史中丞

崔祐甫為相引薛播為中書舍人播溫敏善與人交李

栖筠常袞及祐甫皆引擢之至是有此拜

李泌初為陝州觀察使時陽城隱於河東中條山下遠近慕其德行來學者相繼有爭者不詣官府詣城決之泌數禮問焉及泌為相舉為諫議大夫

賈耽為相以鄭滑節度副使李融為義成軍鄭滑節度觀察使先是耽為鄭滑節度使署奏融為副使居無何耽朝京師召融總留事及耽為相因有是命

齊暎為相給事中表高以切直忤旨暎連請為左丞御

史大夫皆不行

高郢鄭珣瑜為相時蔣乂為起居舍人轉司勳員外郎
並脩國史時集賢闕學士求者甚眾會詔問神策軍建置
之繇相府討求不知所出乃訪於乂乂徵引根源對甚
詳悉郢與珣瑜相顧曰集賢有人矣翼日詔兼判集賢
院事

杜黃裳為相時薛平為右衛將軍在南衙凡一十一年
黃裳深器之薦為汝州刺史兼御史中丞治有能名

李吉甫自翰林拜相詔將下之夕感恩出涕謂學士裴垪曰吉甫自尚書郎流落遠地十餘年方歸便入禁署今纔滿歲後進彥士罕接識者宰相宜有選拔今則懵然莫知能否因請垪疏其名得三十餘人數月之內選用畧盡當時翕然有得人之稱後罷相為淮南節度使薦丁公著授太子正字兼集賢殿校理吉甫自淮南入相復薦其行即日授右補闕遷集賢直學士

裴垪元和中入相徵韋貫之裴度知制誥擢李夷簡為

御史中丞其後繼踵入相咸著名績其餘量材賦職皆
叶人望選任之精前後莫及又薛存誠為度支員外郎
均引為起居郎又崔植為壽安尉大理評事秩滿退居
雒下潛心經史尤精易象均知其操行擢拜左拾遺
裴度為御史中丞奏崔從為侍御史知雜度作相又奏
從自代為御史中丞

韋處厚素知韋辭有文學理行辭嘗為殿中侍御史以
事累出為朗州刺史再貶道州江州司馬長慶初處厚

與路隋以公望居顯要亟稱薦之擢為戶部員外郎累遷吏部郎中文宗即位處厚當政且以澄汰浮薄登用甄實辭與李翱俱拜中書舍人

令狐楚為相時李隱進士擢第為秘書省校書郎楚奏為進賢校理

盧攜為相以司空圖為禮部員外郎先是圖寓居雒下會攜與鄭畋左遷太子賓客分司皆厚遇之及攜再入相因有是命

梁趙光裔為相兼集賢殿大學士時楊凝式為禮部員外郎充西京留守巡官光裔素重其才奏為直學士改考功員外郎

後唐郭崇韜為樞密使明宗拔鄆州得天平軍節度判官趙鳳送之于莊宗崇韜素聞其名及見與語乃薦用為扈鑾學士

盧文紀清泰中為相以右諫議大夫李光庭為給事中弘文館學士判館事光庭唐故曹王臯之曾孫父龜年

光啓中為太卿監光庭從狩蜀舉進士屢遷至兵部郎
中昭宗末不仕梁客於北海耕牧以自給莊宗初亦不
入朝文紀素知之奏召為諫官及引之判館事

李愚為相多振拔沉滯時祕書監劉岳奉使湖南未還
愚奏岳為太常卿

晉李崧為平章事時高祖講求輔相崧力薦呂琦於高
祖云可大用高祖數召琦於便殿言及當世事甚竒之
方將倚以為相忽遇疾而逝人皆惜之

漢蘇逢吉為相時李濤在翰林逢吉深眷待之會四輔
闕人高祖欲擢用吏部尚書竇貞固復問其次逢吉曰
頃張彥澤以殺判官張式罷鎮晉祖宥其罪而李濤上
疏極言彥澤之罪宥之屈法陛下在太原時論朝士大
夫常重濤之為人時高行周慕容彥超圍杜重威於鄴
二師不協高祖有親征之意未決會濤上疏請駕征鄴
大合上旨遂與貞固同日拜平章事

周馮道任晉高祖為相時尚書左丞判國子監事田敏

長於詩賦道重敏嘗從容白晉祖曰臣所為官合授於
敏臣不敢黨蔽也又史圭在後唐明宗時為右丞權判
銓事道在中書嘗以堂判衡銓司所注人圭怒力爭之
道亦微有不足色及晉高祖時道再為相圭首為道所
舉除刑部侍郎鹽鐵副使圭方愧其度量遠不及也

冊府元龜卷三百二十四

欽定四庫全書

子部

冊府元龜卷三百二十五至
七

詳校官中書臣王鵬

員外郎臣牛稔文覆勘

總校官庶吉士臣何思鈞

校對官助教臣卜維吉

謄錄監生臣許蔭培

謄錄監生臣謝蓮鶚

欽定四庫全書

冊府元龜卷三百二十五 宋 王欽若等 撰

宰輔部

諫爭

舜之命禹曰子違汝弼高宗之命說曰朝夕納誨蓋夫
居疑丞之位荷棟幹之重義均同體民具爾瞻休戚之
所同安危之所繫至於冠羣臣而總衆職撫四夷而親
百姓公家之事知無不為固其任也若乃上之失德事

或過舉誠心內激嘉言罔伏引經義而酌古訓迷天戒而箴時病談過更僕之頃怒有逆鱗之犯且復覲縷鄭重形於奏疏竭其精忠以冀感悟古之宰相如伊尹之阿衡甘棠之保乂周公之告微言山甫之補闕職皆如斯而已

商伊尹申誥于太甲曰有言逆於汝心必求諸道

人以言弗

違汝心必以道義求其意勿拒逆之

有言遜於汝志必求諸非道

遜順也言順汝

心必以非道察之勿以自蔽

伊尹曰先王肇脩人紀從諫弗弗先民

時若

言湯始脩為人紀已有過則改從諫如流必先民之言是順

周祭公謀父為穆王卿士穆王將征犬戎而謀父諫

祭

內之國周公之後謀父字也

曰不可先王耀德不觀兵夫兵戢而時

動動則威觀則玩玩則無震

震懼也

是故周文公之頌

文公

周公旦之謚

曰載戢干戈載櫜弓矢

櫜箱也

我求懿德肆于時

夏允王保之

言武王常求美德故陳其功於時夏而歌之信哉武王能保此時夏之美樂章大者

曰先王之於民也茂正其德而厚其性阜其財求而利

其器用明利害之鄉

鄉方也

以文修之使務利而辟害懷

德而畏威故能保世以滋大昔我先世后稷

謂棄與不
密也父子

相繼
曰世

以服事虞夏及夏之衰也棄稷不務我先王不窋

用失其官而自竄於戎狄之間不敢怠業時序其德遵

修其緒

遵亦
作遜

脩其訓典朝夕恪勤守以敦篤奉以忠信

奕世載德不忝前人至於文王武王昭前之光明而加

之以慈和事神保民無不欣喜商王帝辛大惡於民庶

民不忍欣戴武王以致戎于商牧是故先王非務武也

勤恤民隱而除其害也夫先王之制邦內甸服邦外侯

服侯衛賓服

此總言之也侯圻衛衛圻也

蠻夷要服戎翟荒服甸服

者祭

祭供日

侯服者祀

祀供月

賓服者享

享供時

要服者貢

貢供歲

貢荒服者王

王王事天子也詩云莫敢不來王

日祭月祀時享歲貢終

王先王之順祀也

外傳云先王之訓

有不祭則脩意

先脩志意以自責也

畿內近知王意也

有不祀則脩言

言號令也

有不享則脩文

文典法也

不貢則脩名

名謂尊卑職貢之名號也

有不王則修德

遠人不服則脩文德以來

之序成而有不至則脩刑

序成謂上五者次序有刑罰也

於是

有刑不祭伐不祀征不享讓不貢告不王於是刑罰

之辟有攻伐之兵有征討之備有威讓之命有文告之辭布令陳辭而有不至則增脩於德毋勤民於遠是以近無不聽遠無不服今自大畢伯仕之終也

犬戎之君

犬戎

氏以其職來王天子曰予必以不享征之且觀之兵無乃廢先王之訓而王幾頓乎吾聞犬戎樹惇

樹立也言犬戎立性

敦敦為能率舊德而守終純固其有以禦我矣王遂征之得

四白狼四白鹿以歸自是荒服者不至又穆王欲肆其

志

肆極也

周行天下將皆必有車轍馬跡焉祭公謀父作

祈招之詩以止王心

祈父周司馬世掌田兵之職招其名祭公方諫遊行故指司馬官而

言其詩曰祈招之惓惓式昭德音

惓惓安和貌式用也昭明也思我

王度式如玉式如金

金玉取其堅重

形民之力而無醉飽之心

言國之用民當隨其力任如治金玉之器隨器而制形故言形民之力去其醉飽過盈之心

名穆公虎為王卿士厲王行暴虐侈教國人謗王名公

諫曰民不堪命矣王怒得衛巫

衛國之巫也

使監謗者以告

則殺之其謗鮮矣諸侯不朝三十四年王益嚴國人莫

敢言道路以目

以目相視而已

厲王喜告名公曰吾能弭謗矣

乃不敢言名公曰是郭之也防民之口甚於防川川壅而潰傷人必多民亦如之是故為川者決之使導為民者宣之使言故天子聽政使公卿至於列士獻詩瞽獻

典

典樂典也

史獻書師箴瞽賦

無眸子曰瞽賦公矇誦有眸子列士所獻詩也

矇誦子而

無見曰矇周禮矇主弦歌詠誦箴諫之語也

百工諫庶人傳語

庶人卑賤見時得失不得

言傳以

近臣盡規

近臣矇僕之屬

親戚補察瞽史教誨

瞽樂大

史

者艾脩之

者艾師傳也脩理瞽史之教以聞於王

而后王斟酌焉是以

事行而不悖民之有口也猶土之有山川也財用於是

乎出猶其有原隰衍沃也

下平曰衍有溉曰沃

衣食於是乎生口

之宣言也善敗於是乎興行善而備敗所以阜財用衣食者也夫民慮之于心而宣之于口成而行之何可壅也若壅其口其與能幾何王不聽於是國人莫敢出言三年乃流于彘

虢文公為王卿士宣王即位不藉千畝

藉借也借民力以為之天子藉

田千畝諸侯百畝自厲王之流藉田禮廢宣王即位不復古也

虢文公諫曰不可夫民

之大事在農

穀民之命故農為大事

上帝之粢盛於是乎出

出於農也

器實曰粟在器曰盛民之蕃庶於是乎生蕃息庶衆事之供給於是乎

在供具給足和協輯音集睦於是乎興協合也輯聚也睦親也財用蕃殖

於是乎始長殖敦龐純固於是乎成敦厚龐大是故稷為大官

民之大事在農故稷之職為大官古者太史順時視土順視陽瘳憤盈土

氣震發瘳厚也憤憤也盈滿也震動也發起也農祥晨正農祥房星也晨正立春之日晨

中於午也農事之候故曰農祥日月底于天廟底至也天廟營室孟春之月日月皆至營室

土乃脈發脈理也農書曰春土冒先時九日先先立大掖陳根可拔耕者急發

史告稷曰自今至於初吉初吉二月朔日也陽氣俱烝土膏其

動其動 烝升也膏土潤也行貌 弗震弗渝脈其滿膏穀乃不殖動

也渝變也膏灾也言陽氣俱升土膏欲動雷即發動變瀉其氣不然則脈滿氣結更為灾病穀乃不殖 稷

以告以大史之言告王也 王曰史帥陽官以命我司事史大史陽官春官司

事主農曰距今九日土其俱動去距 王其祗被音弗 監農不

易祗敬被齊戒被除也 王乃使司徒咸戒公卿百吏

庶民百吏百官也庶民甸師氏所掌 司空除壇于藉司空

地掌 命農大夫咸戒農用農大夫田畯 先時五日先耕時也 瞽

瞽有協風至瞽樂大師知風聲者也協和也 王即齋官所

之百官御事各即其齋三日御治王親淳濯饗醴淳沃濯既饗飲

也謂王沐浴及期其耕鬱人薦鬯鬱金香草宜以和鬯酒也周禮鬱人掌裸

器凡祭祀賓客和鬱鬯以實犧人薦醴犧人司尊掌王

裸音灌鬯饗醴乃行裸灌也灌鬯飲酒皆所以自香絜也百吏庶民畢從及

藉后稷監之監祭膳夫農正陳藉禮膳夫上士也掌飲食膳羞農正田大夫也

主敦陳藉禮而祭其神為祈也大史贊王贊王敬從之王耕一墺音鉢

耜之發也王耕以耜耕也班三之班次也三之各三其上也王庶人

終于千畝終盡耕也其后稷省功太史監之司徒省民大師

監之宰夫陳饗膳宰監之

宰夫下大夫也膳宰膳夫

膳夫贊王王歆

大牢

歆

班嘗之

公卿大夫

庶人終食終是日也
替帥音官以

省風土

音官樂官也風土以音律省土風風氣和則土氣養

廩于藉東南鍾而

藏之

廩御廩也一名神倉東南生長之處鍾聚也云為廩以藏王所籍田以奉粢盛也

而時布

之于農

布賦

稷則徧戒百姓紀農協功

紀猶綜理也協同也

曰陰陽

分布震雷出滯

陰陽分日夜同也滯蟄出也明堂月令曰日夜分雷乃發聲始電蟄出咸動啟

而出

土不備墾辟在司寇

墾發也辟罪也在司寇司寇行其罪也

乃命其

旅曰徇

旅衆徇行

農師一之

一之先往也農師上士也

農正再之

農正后稷佐田

峻也故次
農師也

后稷三之

農官之長也
故次農正也

司空四之

司空主道
路溝洫故

次后

司徒五之

司徒省民
故次司空

太保六之
太師七之

太保太
師天子

三公佐王
論道紀監
衆官不特長
事故次司空

太史八之

太史掌逆
官府之治
故次太師

宗伯

九之

宗伯卿官
掌相王之
大禮若王
不與祭則
攝位故次
太史

王則大徇

大徇帥公
卿大夫親

行農耨穫亦如之

如之如
耕時也

民用莫不震動
恪恭于農

用謂
田器

循其疆畔日服其鎛不解于時

疆疆界也
鎛鋤屬也

財用不乏民

用和同是時也王事惟農是務無求利於其官以干農

功

求利謂變易
使干亂農功

三時務農而一時講武

三時春夏秋一
時冬也講習也

故征則有威守則有財若是乃能媚於神媚說而和於民

矣則饗祀時至而布施優裕也今天子欲循先王之緒

而棄其大功匱神之祀而困民之財匱神之祀不耕藉也困民之財取於

民也將何以求福用民王弗聽

樊仲山甫為王卿士食采於樊魯武公以括與戲以見王武公

伯禽之玄孫獻公之子武公教也括武公長子伯御也戲括弟懿公也王立戲為太子也樊仲

山甫諫曰不可立不順必犯不順立少也犯猶魯必逆王命而不從也犯王

命必誅故出令不可不順也令之不行政之不立令不行即

政不行而不順民將棄上

使長事少故民棄上

夫下事上少事長

所以為順也今天子立諸侯而建其少是教逆也若魯

從之而諸侯傲之王命將有壅

言先王立長之命將壅塞不行

若不從

而誅之是自誅王命也

誅王命者先王之命立長今魯亦立長若誅之是自誅王命

也是事也誅亦失不誅亦失

命不誅則命廢

天子其圖之王卒

立之魯侯歸而卒故魯人殺懿公而立伯御伯御括也三十

二年諸侯伐魯立孝公

孝公懿公之弟稱也

宣王三十九年王師敗於姜氏之戎宣王既喪南國之

師乃料民於太原

料數也

仲山甫諫曰民不可料夫古者

料民而知其少多司民協孤終

司民掌登萬民之數自生齒以上書王府無父

曰孤終死也合其名籍以登於王府

司商協名姓

司商掌賜族受姓之官商金聲清謂人始

生吹律合定其姓名

司徒協旅

司徒掌合師旅之衆

司寇協奸

司寇刑官掌合奸民以知

死刑之數牧協職

周禮牧人掌牧養犧牲合其物色之數也

工協革

百工之官革更也革制度

者合其數場協入

場人掌場圃委積珍異之物斂而藏之也

廩協出

廩人掌九穀出用之數也

是則少多死生出入往來者皆可也於是又審之以

事

事謂因藉田與蒐狩以簡知其數也

不謂其少而大料之是示少而惡

事也

言王不謂其衆少而大料數之是示以寡少又厭惡政事

臨政示少諸侯避之

示天下以寡弱諸侯將避遠王室不親附

治民惡事無以賦令

言厭惡政事則無以賦令

且無故而料民天之所惡也

故事也天道清淨也

害於政而妨於

後嗣

害政敗為政之道妨後嗣謂將有禍亂也

王卒料之及幽王乃滅

幽王宣王

之子滅謂滅西周

單穆公為王卿士景王二十一年將鑄大錢

錢者金幣之名所以

質物貨通財用也又曰泉

單穆公曰不可古者天災降戾

降下戾至也災謂水

早蝨螟之屬也

於是乎量資幣權輕重以振救民

量猶度也資財也權稱也

振極也 民患輕則為之作重幣以行之 民患幣輕而物貴則作重幣以行其

也 於是乎有母權子而行民皆得焉 重曰母輕曰子以貨物物輕則子獨

行物重則以母權而行之 子母相通人皆得其欲也 若不堪重則多作輕而行之

亦不廢重於是乎有子權母而行小大利之 堪任也 不任之者幣

重物輕妨其用也故作輕幣雜而用之以重者質其貴以輕者質其賤也子權母者母不足則以子平而行之

故貴賤小大皆以為利也 今王廢輕而作重民失其資能無匱乎 廢輕

而作重本竭而未寡故民失其資也 若匱王用將有所乏 民財匱無以供上故王用將乏

也 乏則將厚取於民 厚取聚斂 民不給將有遠志是離民也

給足也遠志遁逃也

且夫備有未至而設之

備國備也未至而設之謂備豫不虞安不

也 忘危

有至而後救之

至而後救謂若救災療疾量資幣平輕重之屬也

是不相

入也

二者先後各有宜不相入不相為用也

可先而不備謂之怠

急緩可後

而先之謂之名災

謂民未患輕而重之遺民遺財是謂名災

周固羸國也天

未厭禍焉而又離民以佐災無乃不可乎

言周固已為羸病之國天

降禍災未厭已也

將民之與處而離之將災是備御而名之則

何以經國

君以善政為經臣奉而成之為緯

國無經何以出令令之不

從上之患也故聖王樹德於民以除之

樹立也除除令不從之患也

夏書有之曰關石斛均王府則有

夏書逸書也關門之征也石今之斛也言

征賦調均則王之府藏常有也一日關衡也

詩亦有之曰瞻彼旱麓榛楛

音戶

濟濟

旱山名麓山足也榛似栗楛木名濟濟衆盛貌盛者言王者之德被及之也

愷悌君子

干祿愷悌

愷樂悌易干求也君子謂長君言陰陽調草木盛故君子以求祿其心易樂也

夫旱

麓之榛楛殖

殖長

故君子得以樂易干祿焉若夫山林匱

竭林麓散亡藪澤肆既

肆極既盡也散亡謂無山林衡虞之政也

民力彫盡

田疇荒蕪資用匱乏

彫傷也穀地為田麻地為疇荒空也蕪穢也

君子將險

哀之不暇而何樂易之有焉

險危

且絕民用以實王府

絕民

用謂廢小錢而鑄大錢猶塞川原而為潢汙其竭也無日矣大者潢小者汙

竭盡也無日無日數也若民離而財匱災至而備亡王其若之何

備亡無救災之備也備亡無救災之備也吾周官之於災備也其所怠棄者多矣周官周六

官災備備災官災備備災而而又奪之資以益其災是去其藏而翳其

人也王其圖之善政藏於民翳猶屏也人民也奪其資民離叛是遠屏其民也一日翳滅也

王弗聽卒鑄大錢二十三年王將鑄無射而為之大林

無射鍾名律中無射也大林無射之覆也作無射而為大林以覆之其律中林鍾也單穆公曰不

可作重幣以絕民資又鑄大鐘以鮮其繼鮮寡寡其繼者謂用物過

度妨於財積聚既喪又鮮其繼生何以殖積聚既喪謂廢且

夫鐘不過以動聲動聲謂合樂以金若無射有林耳弗

及也無射後有大林以覆之無射陽聲之細者林夫鐘

聲以為耳也耳所不及非鐘聲也非法鐘猶目所不見

不可以為目也耳目所不及而彊之夫目之察度也不

過步武尺寸之間六尺為步其察色也不過墨文尋常

之間三尺為墨倍耳之察色也在清濁之間清濁律

也黃鐘為宮則濁呂之變其察清濁也不過一人之所勝勝是

故先王之制鍾也，大不出鈞，重不過石。

鈞所以鈞音之法也，以木長七

尺有絃繫之，以為鈞法，百二十斤為石也。

律度量衡於是乎生。

律有五聲陰陽之法也，度

大尺量斗斛衡稱上衡，衡有斤兩之數也。

小大器用於是乎出。

出於鍾也，易曰：制器者尚

其象，小謂錡，錡分寸大謂斤兩丈尺。

故聖人慎之，今王作鍾也，聽之弗及

耳不及知，其清濁。

此之不度。

不中鈞石之數。

鍾聲不可以知錡。

耳不能聽，故不

可以錡，制度不可以出節，節謂法度量衡之節。

無益於樂而鮮民財。

將焉用之？夫樂不過以聽耳，而美不過以觀目，若聽樂

而震觀美，而眩患莫甚焉。夫耳目心之樞機也。

樞機發動也，心

有所欲耳目故必聽齎而視正聽齎則聰視正則明習

為之發動也和正則聰則言聽明則德昭聽言昭德則能思慮純固

不眩感以言德於民民歆而德之則歸心焉歆猶欣欣喜服也言德以言發德教

上得民心以殖義方殖立方道是以作無不濟求無不獲然

後能樂夫耳內齎聲而口出美言耳聞和聲則口有美言此感於物也

以為憲令憲法而布諸民正之以度量民以心力從之不

倦成事不貳樂之至也貳變口內味而耳內聲聲味生氣

口內五味則耳樂五聲耳樂五聲則志氣生也氣在口為言在目為明言以信

名信審也明以時動視明則動名以成政號今所動以

殖生殖長也動得其時所以財長生政成生殖樂之至也若視聽不餽

而有震眩則味入不精不精則氣佚氣佚則不和無射

大林也若聽樂而震視色而眩則味入不精美味入不精美則氣放佚不行於身體其何以能樂

三年之中而有離民之器二焉二謂作大錢鑄大鍾國其危哉王

弗聽

漢公孫弘初為博士待詔金馬門時方通西南夷巴蜀苦之詔使弘視焉還奏盛毀西南夷無所用武帝不聽

後為御史大夫時又東置滄海北築朔方之郡弘數諫
以為罷弊中國以奉無用之地罷讀曰疲願罷之於是帝乃
使朱買臣難弘置朔方之便發十策弘不得一弘乃謝
曰山東鄙人不知其便若是願罷西南夷滄海專就朔
方帝乃許之

貢禹為御史大夫列於三公自禹在位數言得失書數
十上

師丹為大司空哀帝即位封拜丁傅奪王氏權丹自以

師傅居三公位得信於帝上書言古者諒闇不言聽於

冢宰

論語云子張曰書云高宗諒闇三年不言孔子曰何必高宗古之人皆然君薨百官總已以聽於冢

宰三年諒信也闇默也

三年無改於父之道

論語稱孔子曰父在觀其志父沒觀其行

三年無改於父之道可謂孝矣

前大行尸柩在堂而官爵臣等以及親

屬赫然皆貴寵封舅為陽安侯皇后尊號未定豫封父

為孔鄉侯出侍中王邑射聲校尉王邕等詔書比下變

動政事

比頻也

卒暴無漸

卒讀曰猝

臣縱不能明陳大義復曾

不能牢讓爵位相隨空受封侯增益陛下之過間者郡

國多地動水出流殺人民日月不明五星失行此皆舉
錯失中號令不定法度失理陰陽溷濁之應臣伏惟人
情無子年雖六七十猶博取而廣求取讀孝成皇帝深
見天命燭知至德以壯年克已立陛下為嗣先帝暴棄
天下而陛下繼體四海安寧百姓不懼此先帝聖德當
合天人之功也臣聞天威不違顏咫尺願陛下深思先
帝所以建立陛下之意且克已躬行以觀羣下之從化
天下者陛下之家也肺腑何患不富貴不宜倉卒先帝

不量臣愚以為太傅陛下以臣託師傳故亡功德而備
鼎足封大國加賜黃金位為三公職在左右不能盡忠
補過而令庶人竊議災異數見此臣之大罪也臣不敢
言乞骸骨歸於海濱恐嫌於偽誠慙負重責義不得不
盡死書數十上多切直之言

王嘉哀帝初為丞相欲規成帝之政多所變動

規正其乖失者

嘉上疏曰臣聞聖王之功在於得人孔子曰才難不其

然與

才難謂有賢才者難得也

故繼世立諸侯象賢也

象其先父祖之賢耳非必

其人皆命卿雖不能盡賢天子為擇臣立命卿以輔之命於

天子居是國也累世尊重然後士民之衆附焉是以教

化行而治功立今之郡守重於古諸侯往者致選賢材

賢材難得拔擢可用者或起於囚徒昔魏尚坐事繫文

帝感馮唐之言遣使持節赦其罪拜為雲中太守匈奴

忌之武帝擢韓安國於徒中拜為梁內史骨肉以安言

孝王得張敞為京兆尹有罪當免黠吏知而犯敞敞收

殺之其家曰寃使者覆獄劾敞賊殺人上逮捕不下言

者上奏請逮捕而天子不下其事也

會免亡命數十日宣帝徵拜為冀

州刺史卒獲其用前世非私此三人貪其材器有益於公家也孝文時吏居官者或長子孫以官為氏倉氏庫氏則倉庫吏之後也其二千石長吏亦安官樂職然後上下相望莫有苟且之意其後稍稍變易公卿以下傅相促急又數改更政事更亦變司隸部刺史察過悉劾發揚陰私悉盡也言事無大小皆劫過於所察之條也吏或居官數月而退送故迎新交錯道路中材苟容求全不敢操持羣下也下材懷危內

顧常恐獲罪每為私計也一切營私者多二千石益輕賤吏民慢

易之易亦輕也或持其微過增加成臯言於刺史司隸或至

上書章下依其所上之章而下令治之衆庶知其易危言易於傾危也小失

意則有離畔之心前山陽亡徒蘇令等從橫吏士臨難

莫肯仗節死義以守相威權素奪也守郡守也相諸侯相也素奪謂先不假之

威權也孝成皇帝悔之下詔書二千石不為縱遣使者賜金

慰厚其意誠以為國家有急取辦於二千石二千石尊重難

危乃能使下孝宣皇帝愛其良民吏良善也良民吏善治百姓者有

章劾事留中會赦壹解

不即下治其事恐為擾動故每留中或經赦令一切皆解散也

故事尚書希下章為煩擾百姓證驗繫治或死獄中章

文必有敢告之字廼下惟陛下留神於擇賢記善忘過

容忍臣子勿責以備二千石部刺史三輔縣令有材任

職者人情不能不有過失宜可闊畧

常寬恕其小罪也

令盡力

者有所勸此方今急務國家之利也前蘇令發欲遣大

夫使遂問狀時見大夫無可使者名蓋屋令尹逢拜為

諫議大夫遣之今諸侯大夫有材能者甚少宜豫畜養

可成就者則士赴難不愛其死臨事倉卒乃求非所以
明朝廷也嘉因薦儒者公孫光滿昌及能吏蕭咸薛脩
等皆故二千石有名稱天子納而用之會息夫躬孫寵
等因中常侍宋弘上書告東平王雲呪詛又與后舅伍
宏謀弒上為逆雲等伏誅躬寵擢為吏二千石是時侍
中董賢愛幸於上上欲侯之而未有所緣傅嘉勸上因
東平事以封賢上於是定躬寵告東平本章掇去宋弘
更言因董賢以聞欲以其功侯之皆先賜爵闕內侯頃

之欲封賢等上心憚嘉乃先使皇后父孔鄉侯傅晏持
詔書視丞相御史於是嘉與御史大夫賈延上封事言
竊見董賢等三人始賜爵衆庶匈匈咸曰賢貴其餘并

蒙恩

言董賢必貴寵故妄得封而躬寵等遂蒙恩

至今流言未解陛下仁恩

於賢等不已宜暴賢等本奏語言

暴謂章露也

延問公卿大

夫博士議郎考合古今明正其義然後乃加爵土不然
恐大失衆心海內引領而議暴下其事必有言當封者
在陛下所從天下雖不說咎有所分不獨在陛下前定

陵侯淳于長初封其事亦議大司農谷永以長當封衆人歸咎於永先帝不獨蒙其議臣嘉臣延材驚不稱死有餘責知順指不迂可得容身須臾所以不敢者思報厚恩也帝感其言止數月遂封賢等後數月日食舉直言嘉復奏封事曰臣聞咎繇戒帝舜曰亡教佚欲有國兢兢業業一日二日萬幾言有臣之人不可教慢逸欲但常戒慎危懼以理萬事之機也箕子戒武王曰臣無有作威作福亡有玉食臣之有作威作福玉食害於而家凶于而國人用側頗辟民用僭

慝玉食精好如玉也而汝也言如此則逆尊卑之序亂

頗偏也僭不信也慝惡也

陰陽之統而害及王者其國極危國人傾仄不正民用

僭差不壹此君不繇法度上下失序之敗也武王躬履

此道隆至成康言武王能履法度故至自是以後縱心

恣欲法度陵遲陵遲即陵夷也至於臣弑君子弑父父

言其類替也

子至親失禮患生何況異姓之臣孔子曰道千乘之國

敬事而信節用而愛人使民以時道治也孝文皇帝備行

此道海内蒙恩為漢太宗孝宣皇帝賞罰信明施與有

節記人之功忽於小過也忽忘以致治平孝元皇帝奉承

大業溫恭少欲都內錢四十萬萬水衡錢二十五萬萬

少府錢十八萬萬言不費用故畜積也嘗幸上林後宮馮貴人從

臨獸圈猛獸驚出貴人前當之元帝嘉美其義賜錢五

萬此言雖嘉其義而賞亦不多掖庭見親有加賞賜屬其人勿衆謝

掖庭宮人有親戚來見而帝賜之者屬其家勿使於衆人中謝也示平惡偏重失人

心賞賜節約是時外戚貲千萬者少耳故少府水衡見

錢多也見在之錢也雖遭初元永光凶年饑饉加有西羌之

變外奉師旅內振貧民終無傾危之憂以府藏內充實

也孝成皇帝時諫臣多言燕出之害

燕出謂微行也

及女寵專

愛耽於酒色損德傷年其言甚切然終不怨怒也寵臣

淳于長張放史育育數貶退家貲不滿千萬放斥逐就

國長榜死於獄

榜笞擊也

不以私愛害公義故雖多內譏朝

廷安平

雖有好內之譏而不害政也

傳業陛下陛下在國之時好詩

書尚儉節徵來所過道上稱誦德美此天下所以向心

也

望為治也初即位易帷帳去錦繡乘輿席緣綈繒而已

厚

也緒共皇寢廟比比當作恭皇帝哀之父即定陶恭王也比比猶頻頻憂閔元

元惟用度不足惟思也以義割恩輒且止息今始作治而

駙馬都尉董賢亦起官寺上林中又為賢治大第開門

鄉北闕引玉渠灌園池玉渠官渠名在城東覆盎門外使者護作護也

賞賜吏卒甚於治宗廟賢母病長安厨給祠具長安有厨官主

為官道中過者皆飲食禱於道中故人皆得飲食為賢治器器成

奏御乃行或物好特賜其工自貢獻宗廟三宮猶不至

此三宮天子太后皇后者也賢家有賓婚及見親諸官並共見親親戚相見也並

共言百官各以所掌事及財物就供之 賜及蒼頭奴婢人十萬錢使者護

視發取市物百賈震動

賈謂販賣人也言百賈者非一人稱也

道路謹譁

羣臣惶惑詔書罷苑而以賜賢二千餘頃均田之制從

此墮壞

自公卿以下至于吏民名曰均田皆有頃數於品制中令均等今賜賢二千餘頃墮壞其等制

也 奢僭放縱變亂陰陽災異衆多百姓訛言持籌相驚

被髮徒跣而走乘馬者馳天惑其意不能自止或以為

籌者策失之戒也陛下素仁智慎事今而有此大譏孔

子曰危而不持顛而不扶則將安用彼相矣

季氏將伐顛史冉有

季路見於孔子孔子以此言責之以其不規諫也

臣嘉幸得備位竊內悲傷不

能通愚忠之信身死有益於國不敢自惜惟陛下慎已

之所獨鄉察衆人之所共疑往者寵臣鄧通韓嫣驕貴

失度逸豫無厭小人不勝情欲卒陷罪辜

卒終也

亂國忘

軀不終其祿所謂愛之適足以害之者也宜深覽前世

以節賢寵全安其命於是帝漸不說

漸進也

而愈愛賢不

能自勝會祖母傳太后薨上因託傳太后遺詔令成帝

母王太后下丞相御史益封賢二千戶及賜孔鄉侯汝

昌侯陽新侯國

傳晏傳商鄭紫也

嘉封還詔書

還謂卻上之於天子也

因

奏封事諫帝及太后曰臣聞爵祿土地天子之有也書

云天命有德五服五章哉

言皇天命于有德者以居列位天子諸侯卿大夫士尊卑

之服采章各異也

王者代天爵人尤宜慎之裂地而封不得其

宜則庶衆不服感動陰陽其害疾自深

言此氣損害故令天子身自有

疾也今聖體久不平此臣嘉所內懼也高安侯賢佞幸之

臣陛下傾爵位以貴之單貨財以富之

單盡也

損至尊以

寵之

言帝意傾惑為下所窺也

主威已黜府藏已竭唯恐不足財

皆民力所為孝文皇帝欲起露臺重百金之費克已不
作今賢散公賦以施私惠一家至受千金徃古以來貴
臣未嘗有此流聞四方皆同怨之里諺曰千人所指無
病而死臣嘗為之寒心今太皇太后以永信太后遺詔
詔丞相御史益賢戶賜三侯國臣嘉竊惑山崩地動日
食於三朝歲月日之朝也皆陰侵陽之戒也前賢已再封晏商再
易邑業緣私橫求恩已過厚求索自恣不知厭足甚傷
尊尊之義不可以示天下為害痛矣臣驕侵罔陰陽失

節

周謂誣蔽也

氣感相動害及身體陛下寢疾久不平繼嗣

未立宜思正萬事順天人之心以求福祐奈何輕身肆

意不念高祖之勤苦垂立制度欲傳之于無窮哉孝經

曰天子有爭臣七人雖無道不失其天下

言帝能納諫則免於過惡

也臣謹封上詔書不敢露見非愛死而不自法恐天下

聞之故不敢自効愚戇數犯忌諱唯陛下省察哀帝發

怒下獄自殺

後漢伏湛光武建武初為大司徒時幽州牧彭寵反於

漁陽帝欲自征之湛上疏諫曰臣聞文王受命而征伐五國必先詢之同姓然後謀于羣臣加占蓍龜以定行事故謀則成卜則吉戰則勝其詩曰帝謂文王詢爾仇方同爾兄弟以爾鉤援與爾臨衝以伐崇墉崇國城守先退後伐所以重人命俟時而動故三分天下而有其二陛下承大亂之極受命而帝興明祖宗出入四年而滅檀鄉制五校降銅馬破赤眉誅鄧奉之屬不為無功今京師空匱費用不足未能服近而先事邊外且漁陽

之地逼接北狄黠虜困迫必求其助又今所過縣邑尤為困乏種麥之家多在城郭聞官兵將至當已收之矣大軍遠涉二千餘里士馬罷勞轉糧艱阻今兗豫青冀中國之都而寇賊縱橫未及從化漁陽以東本備邊塞地接外虜貢稅微薄安平之時尚資內郡況今荒耗豈足先圖而陛下捨近務遠棄易求難四方疑怪百姓恐懼誠臣之所惑也伏願遠覽文王重兵博謀近思征伐前後之宜顧問有司使極愚誠采其所長擇之聖慮以

中土為憂念帝覽其奏遂不親征

第五倫章帝永元初為司空帝以明德太后故尊崇舅
氏馬廖兄弟並居職任廖等傾身交結冠蓋之士爭赴
趨之倫以后族過盛欲令朝廷抑損其權上疏曰臣聞
忠不隱諱直不避害不勝愚狷昧死自表書曰臣無作
威作福其害于而家凶于而國傳曰大夫無境外之交
束脩之饋近代光烈皇后雖友愛天至而卒使陰就歸
國徙廢陰興賓客其後梁竇之家互有非法明帝即位

竟多誅之自是雒中無復權戚書記請託一皆斷絕又
譬諸外戚曰苦身待士不如為國戴盆望天事不兩施
臣常刻著五藏書諸紳帶而今之議者復以馬氏為言
竊聞衛尉廖以布三千疋城門校尉防以錢三百萬私
贍三輔衣冠知與不知莫不畢給又聞臘日亦遺其在
雒中者錢各五千越騎校尉光臘用羊三百頭米四百
斛肉五千斤臣愚以為不應經義惶恐不敢不以聞陛
下情欲厚之亦宜所以安之臣今言此誠欲上忠陛下

下全后家裁蒙省察及馬防為車騎將軍當出征西羌
倫又上疏曰臣愚以為貴戚可封侯以富之不當職事
以任之何者繩以法則傷恩私以親則違憲伏聞馬
防今當西征臣以太后恩仁陛下至孝恐卒有纖介難
以意愛聞防請杜篤為從事中郎多賜財帛篤為鄉里
所廢客居美陽女弟為馬氏妻恃此交通在所縣令苦
其不法收繫論之今來防所議者咸致疑怪況乃以為
從事將恐議及朝廷今宜為選賢能以輔助之不可復

令防自請人有損事望苟有所懷敢不自聞並不見省
用及諸馬得罪歸國而竇氏始貴倫復上疏曰臣得以
空虛之質當輔弼之任素性駑怯位尊爵重拘迫大義
思自策厲雖遭百死不敢擇地又況親遇危言之世哉
今承百王之敝人尚文巧咸趨邪路莫能守正伏見虎
賁中郎將竇憲椒房之親典司禁兵出入省闈年盛志
美卑謙樂善此誠其好士交結之方然諸出入貴戚者
類多瑕釁禁錮之人尤少守約安貧之節士大夫無志

之徒更相販賣雲集其門衆煦飄山聚蚊成雷蓋驕佚
所從生也三輔論議者至云以貴戚廢錮當復以貴戚
浣濯之猶解醒當以酒也詖險趨勢之徒誠不可親近
臣愚願陛下中宮嚴勅憲等閉門自守無妄交通士大
夫防其未萌慮於無形令憲永保福祿君臣交歡無纖
介之隙此臣之所至願也

袁安和帝初為司徒時竇太后臨朝后兄車騎將軍憲
北擊匈奴安與太尉宋繇司空任隗及九卿詣朝堂上

書諫以為匈奴不犯邊塞而無故勞師遠涉損費國用
徼功萬里非社稷之計書連上輒寢宋繇懼遂不敢復
署議而諸卿稍自引止唯安獨與任隗守正不移至免
冠朝堂固爭者十上太后不聽衆皆為之危懼安正色
自若

丁鴻永元四年為司徒竇太后臨政憲兄弟各擅威權
鴻因日食上封事曰臣聞日者陽精守實不虧君之象
也月者陰精盈毀有常臣之表也故日食者臣乘君陰

陵陽月滿不虧下驕盈也昔周室衰季皇甫之屬專權
於外黨類強盛侵奪主勢則日月薄食故詩曰十月之
交朔日辛卯日有食之亦孔之醜春秋日食三十六弑
君三十二變不空生各以類應夫威柄不以放下利器
不可假人覽觀往古近察漢興傾危之禍靡不繇之是
以三桓專魯田氏擅齊六卿分晉諸呂握權統嗣幾移
平之末廟不血食故雖有周公之親而無其德不得行
其勢也今大將軍雖欲勅身自約不敢僭差然而天下

遠近皆惶怖承旨刺史二千石初除謁辭求通待報雖
奉符璽受臺勅不敢便去久者至數十日背王室向私
門此乃上威損下權盛也人道悖於下效驗見於天雖
有隱謀神炤其情垂象見戒以告人君間者月滿先節
過望不虧此臣驕溢背君專功獨行也陛下未深覺悟
故天重見戒誠宜畏懼以防其禍詩云敬天之怒不敢
戲豫若勅政責躬杜漸防萌則凶妖銷滅害除福湊矣
夫壞岸破巖之水源自涓涓干雲蔽日之木起於葱青

禁微則易救末則難人莫不忽於細微以致其大恩不
忍誨義不忍割去事之後未然之明鏡也臣愚以為左
官外附之臣依託權門傾覆諂諛以求容媚者宜行一
切之誅間者大將軍再出威振州郡莫不賦斂吏人遣
使貢獻大將軍雖云不受而物不還主部署之吏無所
畏憚縱行非法不伏罪辜故海內貪猾競為奸吏小民
吁嗟怨氣滿腹臣聞天不可以不剛不剛則三光不明
王不可以不彊不彊則宰牧縱橫宜因大變改政救失

以塞天意書奏十餘日帝以鴻行太尉兼衛尉屯南北宮於是收竇憲大將軍印綬憲及諸弟皆自殺

魯恭為司徒和帝末下令麥秋得案驗薄刑而州郡好以苛察為政因此遂盛夏斷獄恭上疏諫曰臣伏見詔書敬若天時憂念萬民為崇和氣罪非殊死且勿案驗進柔良退貪殘奉時令所以助仁德順昊天致和氣利黎民者也舊制至立秋乃行薄刑自永元十五年以來改用孟夏而刺史太守不深惟憂民息事之原進良退

殘之化因以盛夏徵召農人拘對考驗連滯無已司隸
典司京師四方是則而近於春月分行諸部託言勞來貧
人而無惻隱之實煩擾郡縣廉考非急速捕一人罪延
十數上逆時氣下傷農業案易五月始用事經曰后以
施令誥四方言君以夏至之日施命令止四方行者所
以助微陰也行者尚止之況於逮召考掠奪其時哉比
年水旱傷稼人饑流冗今始夏百穀權輿陽氣胎養之
時自三月以來陰寒不暖物當化變而不被和氣月令

孟夏斷薄刑出輕繫行秋令則苦雨數來五穀不熟又
曰仲夏挺重囚益其食行秋令則草木零落人傷于疫
夫斷薄刑者謂其輕罪已正不欲令久繫故時斷之也
臣愚以為孟夏之制可從此令其決獄案考皆以立秋
為斷以順時節育成萬物則天地以和刑罰以清矣
張禹為太尉錄尚書事時和帝過密禹上言方諒闇密
靜之時不宜依常有事於苑囿其廣成上林空地宜且
以假貧民鄧太后從之禹為太尉永初四年新野君

病

鄧太后
母陰氏

皇太后車駕幸其第禹與司徒夏勤司空張

敏俱上表言新野君不安車駕連日宿止臣等誠竊惶
懼臣聞王者動設先置止則交戟清道而後行清室而
後御離宮不宿所以重宿衛也陛下體蒸蒸之至孝親
省方藥恩情發中久處單外百官露止議者所不安宜
且還宮上為宗廟社稷下為萬國子民比三上固爭乃
還宮

楊震永寧初為司徒安帝乳母王聖子女伯榮驕淫尤甚

與故朝陽侯劉護從兄瓌交通遂以為妻得襲護爵位
至侍中震深疾之詣闕上疏曰臣聞高祖與羣臣約非
功臣不得封故經制父死子繼兄亡弟繼以防篡也伏
見詔書封故朝陽侯劉護再從兄瓌襲護爵為侯護同
產弟威今猶見在臣聞天子專封封有功諸侯專爵爵
有德今瓌無他功行但以配阿母女一時之間既位侍
中又至封侯不稽舊制不合經義行人誼譁百姓不安
陛下宜覽鏡既往順帝之則書奏不省延光中代劉愷

為太尉詔遣使者大為阿母脩第中常侍樊豐及侍中周廣謝暉等更相扇動傾搖朝廷震復上疏曰臣聞古者九年耕必有三年之儲故堯遭洪水人無菜色臣伏念方今災害發起彌益滋甚百姓空虛不能自贍重以螟蝗羌虜鈔掠三邊震擾戰鬪之役至今未息兵甲軍糧不能復給大司農帑藏匱乏殆非社稷安寧之時伏見詔書為阿母興起津城門內第舍合兩為一連里竟街雕脩繕飾窮極巧伎今盛夏土王而攻山採石其大

匠左校別部將作合數十處轉相迫促為費巨億周廣
謝暉兄弟與國無肺腑枝葉之屬依倚近倖姦佞之人
與樊豐王永等分威共權屬託州郡傾動大臣宰司辟
召承望旨意招來海內貪污之人受其貨賂至有臧錮
棄世之徒復得顯用白黑溷淆清濁同源天下謹譁咸
曰財貨上流為朝結譏臣聞師言上之所取財盡則怨
力盡則叛怨叛之人不可復使故曰百姓不足君誰與
足惟陛下度之豐暉等見震連切諫不從無所顧忌遂

詐作詔書調發司農錢穀大匠見徒材木各起家舍園池廬觀役費無數震因地震復上疏曰臣蒙恩備台輔不能奉宣政化調和陰陽去年十一月四日京師地動臣聞師言地者陰精當安靜承陽而今動搖者陰道盛也其日戊辰三者皆土位在中官此中臣近官盛於持權用事之象也臣伏惟陛下以邊境未寧躬自菲薄宮殿垣屋傾倚枝柱而已無所興造欲令遠近咸知政化之清流商邑之翼翼也而親近倖臣未崇斷金驕溢踰

法多請徒士盛脩第舍賣弄威福道路謹譁衆所聞見地動之變近在城郭殆為此發又冬無宿雪春節未雨百僚焦心而繕脩不止誠致旱之徵也書曰僭恒暘若臣無作威作福玉食惟陛下奮乾剛之德棄驕奢之臣以掩詖言之口奉承皇天之戒無令威福久移於下震前後所上轉有切至

張皓順帝時為司空清河趙騰上言災變譏刺朝政章下有司收騰繫考所引黨輩八十餘人皆以誹謗當伏

重法皓上疏諫曰臣聞堯舜立敢諫之鼓三王樹誹謗之木春秋採善書惡聖主不罪芻蕘騰等雖干上犯法所言本欲盡忠正諫如當誅戮天下杜口塞諫爭之源大非所以昭德示後也帝悟減騰死罪一等餘皆司寇

司寇二歲刑也翰作司寇因以為名

楊秉為太尉桓帝南巡園陵特詔秉從行至南陽左右竝通奸利詔書多所除拜秉上疏諫曰臣聞先王建国順天制官太微積星名為郎位入奉宿衛出牧百姓臯

陶誠虞在於官人頃者道路拜除恩加豎隸爵以貨成
化繇此敗所以俗夫巷議白駒遠逝穆穆清朝遠近莫
觀宜割不忍之恩以斷求欲之路於是詔除乃止

陳蕃延熹八年為太尉中常侍蘇康管霸等復被任用
遂排陷忠良共相阿媚大司農劉祐廷尉馮緄河南尹李
膺皆以忤旨為之抵罪蕃因朝會固理膺等請加原有
升之爵任言及反復誠辭懇切帝不聽因流涕而起時
小黃門趙津南陽大猾張汜等奉事中官乘勢犯法二

郡太守劉瓚成瑨考按其罪雖經赦令而竝竟考殺之
宦官怨恚有司承旨遂奏瓚瑨罪當棄市又山陽太守
翟超没入中常侍侯覽財產東海相黃浮誅殺下邳令
徐宣超浮竝坐髡鉗輸作左校蕃與司徒劉矩司空劉
茂共諫請瓚瑨超浮等帝不悅有司劾奏之矩茂不敢
復言蕃乃獨上疏曰臣聞齊桓脩霸務為內政春秋於
魯小惡必書宜先自整飭從以及人今寇賊在外四支
之疾內政不理心腹之患臣寢不能寐食不能飽實憂

左右日親忠言以疏內患漸積外難方深陛下超從列
侯繼承天位小家畜產百萬之資子孫尚恥愧失其先
業況乃產兼天下受之先帝而欲懈怠以自輕忽乎誠
不愛已不當念先帝得之勤苦耶前梁氏五侯毒徧海
內天啟聖意收而戮之天下之議冀當小平明鑒未遠
覆車如昨而近習之權復相扇結小黃門趙津大猾張
汜等肆行貪虐奸媚左右前太原太守劉瓚南陽太守
成瑨糾而戮之雖言赦後不當誅殺原其誠心在乎去

惡至於陛下有何悛悛而小人道長熒惑聖聽遂使天
威為之發怒如加刑譴已為過甚況乃重罰令伏歐及
乎又前山陽太守翟超東海相黃浮奉公不撓疾惡如
讎超沒侯覽財物浮誅徐宣之罪竝蒙刑坐不逢赦恕
覽之從橫沒財已幸宣犯釁過死有餘辜昔丞相申屠
嘉名責鄧通雒陽令董宣折辱公主而文帝從而請之
光武加以重賞未聞二臣有專命之誅而今左右羣豎
惡傷黨類妄相交構致此刑譴聞臣是言當復唬訴陛

下深宜割塞近習豫政之言引納尚書朝省之事公卿
大官五日一朝簡練清高斥出佞邪如是天和於上地
洽於下休禎符瑞豈遠乎哉陛下雖厭毒臣言凡人主
有自勉強敢以死陳帝得奏愈怒竟無所納朝廷衆庶
莫不怨之九年李膺等以黨事下獄考實蕃因上疏極
諫曰臣聞賢明之君委心輔佐亡國之主諱聞直辭故
湯武雖聖而興於伊呂桀紂迷惑亡在失人繇此言之
君為元首臣為股肱同體相須共成美惡者也伏見前

司隸校尉李膺太僕杜密太尉掾范滂等正身無玷死
心社稷以忠忤旨橫加考按或禁錮閉隔或死徙非所
杜塞天下之口聾盲一世之人與秦焚書坑儒何以為
異昔武王克殷表閭封墓今陛下臨政先誅忠賢遇善
何薄待惡何優夫讒人似實巧言如簧使聽之者惑
視之者昏夫吉凶之效存乎識善成敗之機在於察言
人君者攝天地之政秉四海之維舉動不可以違聖法
進退不可以離道規謬言出口則亂及八方何況髡無

罪於獄殺無辜於市乎昔禹巡狩蒼梧見市殺人下車而哭之曰萬方有罪在予一人故其興也勃焉又青徐炎旱五穀損傷民物流遷茹菽不足而宮女積於房掖國用盡於羅紈外戚私門貪財受賂所謂祿去公室政在大夫昔春秋之末周德衰微數十年間無復災眚者天所棄也天之於漢恨恨無已故殷勤示變以悟陛下除妖去孽實在脩德臣位列台司憂責深重不敢尸祿惜生坐觀成敗如蒙採錄使身首分裂異門而出所不

恨也帝諱其言切託以蕃辟名非其人遂策免之

楊賜熹平五年為司徒時朝廷爵授多不以次而靈帝微行遊幸外苑賜上疏曰臣聞天生蒸民不能自理故立君長使司牧之是以唐虞兢兢業業周文日昃不暇明慎庶官俊乂在職三載考績以觀厥成而今所序用無他德有形執者旬日累遷守貞之徒歷載不轉勞逸無別善惡同流北山之詩所為訓作又聞數微行出幸苑囿觀鷹犬之勢極盤遊之荒政事日墮大化陵遲陛

下不顧二祖之勤止追慕五宗之美踪而欲以望太平
是繇曲表而欲直景邵行而求及前人也宜絕傲慢之
戲念官人之重割用板之恩慎貫魚之次無令醜女有
四殆之歎遐邇有憤怨之聲臣受恩偏特忝任師傅不
敢自同凡臣括囊避咎謹自手書密上後坐辟黨人免
復拜光祿大夫光和年間以忤曹節等蔡邕坐直對抵
罪徙朔方賜以師傅之恩故得免咎其冬行辟雍禮引
賜為三老復拜少府光祿勳代劉邵為司徒帝欲造畢

圭靈琨苑賜復上疏曰竊聞使者竝出規度城南人田
欲以為苑昔先王造囿裁足以備三驅之禮薪菜芻牧
皆悉徃焉先帝之制左開鴻池右作上林不奢不約以
合禮中今猥規郊城之地以為苑囿壞沃衍廢田園驅
居人畜禽獸殆非所謂若保赤子之義今城外之苑已
有五六可以逞情意順四節也宜惟夏禹卑宮太宗露
臺之意以慰下民之勞書奏帝欲止以問侍中任芝等
以為無害遂令築苑

冊府元龜卷三百二十五